

tus Ascanius diligentissime colebat, piissimae. Doleo cognatos reliquosque necessarios demortui honoratissimos. Neque vero quisquam heic est, quin in societatem doloris, eo magis, veniat, quo maiorem applausum virtus B. ROCKENFVSSII promeruit; quem, nunc maxime sonorum ac sine vlla exceptione communem, a singulis retulit. Immo vero non pauci sunt, qui lacrymis hoc funus ornatissimi viri, longiore vita digni prosequerentur. Tanta vis integritatis est, vt moeroris signa reprimere haud possint integerrimi quique! Sed nouus isque maior metus, pium gregem, cui summa fide huc vsque praefuisti, angit. Timet, *Vir summe Reuerende*, ne TE ipsum, ephorum et animorum pastorem exoptatissimum amittat, si fortean vehementiori percelli et prosterni TE animi aegritudine pateris. Parces igitur lacrymis. Facies lugendi modum ac solatio locum, quem ipsa exigit ratio, immo pietas, relinques.

Nosti, VIR VENERANDE! in militia CHRISTI multis ex annis miles et antesignane! quibus armis a DOMINO adorando duce nostro datis vel ipsam deuincere mortem et quosvis eius horrores debellare possimus. Ipsemet apprime tenes, nullum plane mortis genus (licet aliud atque aliud hominibus, qui sensibus plurimum tribuunt, asperum et horribile videatur) existere, quod beneficio necis exoscilandi SALVATORIS nostri, acerbissimo crucis supplicio affecti, non in ἀδιάφορον, tolerabile, immo laetabile stipendium sanctis ac DEO mancipatis hominibus mutatum sit. Vnicus intuitus in reuelatam de IESV CHRISTO doctrinam, qui ex vltimis nos ereptos malis ad infinitas reduxit felicitates, lacrymantes oculos TVOS deliniuit. Iterum dico; vnicus intuitus in summum istum causae nostrae vindicem (cui aeterna sit gloria!) provti et ceteroquin potior esse solet mille triumphis *demonstrationum scientificarum*,  
ἄβου
A 3
quas